



Utval: Fylkeseldrerådet i Hordaland
Møtestad: Fylkesutvalsalen, 3. etasje, Fylkeshuset, Agnes Mowinckelsgt. 5, Bergen
Dato: 07.11.2019
Tidspunkt: 09:30 – 14:05

Følgjande faste medlemmer møte:

Namn	Funksjon	Representerer
Monrad Reigstad	Nestleiar	PF
Gunda Falao Sparre	Leiar	LOP
Odd Himle	Medlem	SN-H
Inger M. Lingjerde	Medlem	PF
Gunvor Opedal	Medlem	PF
Inger Sjong	Medlem	FL H/FRP/V/MDG til 14:00

Følgjande medlemmer hadde forfall:

Namn	Funksjon	Representerer
Synnøve Solbakken	Medlem	FL A/SP/SV

Følgjande varamedlemmer møte:

Namn	Møtte for	Representerer
------	-----------	---------------

Merknader

Frå administrasjonen møte:

Namn	Stilling
Marielle Solheim	som møtesekretær

Sakliste

Utvals- saknr	Innhald	Arkiv- saknr	U.Off.
PS 74/19	Godkjenning av møteinnkalling		
PS 75/19	Godkjenning av møtebok forrige møte		
PS 76/19	Godkjenning av sakliste		
PS 77/19	Referatsak (meldingar)		
RS 26/19	Svar på brev: Pensjonistforbundet Hordaland ynskjer informasjon frå fylkeseldrerådet Hordaland	2018/16480	
RS 27/19	Uttale frå fylkeseldrerådet om KS sitt nettverk for aldersvennlege samfunn	2018/16480	
RS 28/19	Innspel til budsjettet 2020 for Vestland fylkeseldreråd	2018/16480	
RS 29/19	Vegleiar for eldreråd	2018/16480	
RS 30/19	Val av medlemar til fylkeseldrerådet i Vestland	2018/16480	
PS 78/19	Ymse		
PS 79/19	Høyrings svar - forslag om endringar i forskrift om ein verdig eldreomsorg - sambuargaranti	2018/16480	
PS 80/19	Høyrings svar - Lov om Eldreombodet	2018/16480	
PS 81/19	Høyrings svar - NOU 2019: 14 Tvangsavgrensingsloven	2018/16480	
PS 82/19	Evaluering av Haustkonferansen 2019	2018/16480	
PS 83/19	Årsmelding 2019 for fylkeseldrerådet i Hordaland, 2. utkast	2018/16480	
PS 84/19	Forskingssjokjekt om aldersvennlege omgjevningar - invitasjon til open dag	2018/16480	
PS 85/19	Invitasjon til innlegg på regional samling for utviklingssentera i vest	2018/16480	
PS 86/19	Leve heile livet-konferansen i Bergen	2018/16480	
PS 87/19	Svar frå Haraldsplass DS om nattransport av eldre frå sjukehus til kommune	2018/16480	
PS 88/19	Høyring om forslag til endringar i forskrift om betaling frå pasientar for poliklinisk helsehjelp i spesialisthelsetenesta	2018/16480	
PS 89/19	Den kulturelle spaserstokken 2019 - tildeling	2018/16480	

PS 74/19 Godkjenning av møteinnkalling

Saksprotokoll i fylkeseldrerådet i Hordaland - 07.11.2019

Vedtak

Møteinnkallinga vart godkjend utan merknadar.

PS 75/19 Godkjenning av møtebok forrige møte

Saksprotokoll i fylkeseldrerådet i Hordaland - 07.11.2019

Vedtak

Møteprotokollen frå møte 05.09.19 vart godkjend utan merknadar.

PS 76/19 Godkjenning av sakliste

Saksprotokoll i fylkeseldrerådet i Hordaland - 07.11.2019

Fylkeseldrerådet vedtok samrøystes å setje følgjande saker på saklista for møtet utan saksførelegg:

- PS 88/19 Høyring om forslag til endringar i forskrift om betaling frå pasientar for poliklinisk helsehjelp i spesialisthelsetenesta
- PS 89/19 Den kulturelle spaserstokken 2019 – tildeling

Vedtak

Saklista vart godkjend med dei merknadane som er nemnd over.

PS 77/19 Referatsak (meldingar)

Saksprotokoll i fylkeseldrerådet i Hordaland - 07.11.2019

RS 26/19 – RS 30/19 vart refererte.

PS 78/19 Ymse

Saksprotokoll i fylkeseldrerådet i Hordaland - 07.11.2019

Under PS 82/19 vart evalueringsskjema frå konferansedeltakarane gjennomgått nøye, utan at det vart fatta vidare vedtak om dette.

PS 89/19 vart sett på sakskartet etter at kulturavdelinga sendte e-post om saken undervegs i møtet.

PS 79/19 Høyringssvar - forslag om endringar i forskrift om ein verdig eldreomsorg - sambuargaranti

Forslag til vedtak

Fylkeseldrerådet vedtek høyringssvaret slik det ligg føre.

Saksprotokoll i fylkeseldrerådet i Hordaland - 07.11.2019

Røysting

Fylkesrådmannen sitt forslag vart samrøystes vedteke.

Vedtak

Fylkeseldrerådet vedtek høyringssvaret slik det ligg føre.

PS 80/19 Høyringssvar - Lov om Eldreombodet

Forslag til vedtak

Fylkeseldrerådet vedtek høyringssvaret slik det ligg føre.

Saksprotokoll i fylkeseldrerådet i Hordaland - 07.11.2019

Røysting

Fylkesrådmannen sitt forslag vart samrøystes vedteke.

Vedtak

Fylkeseldrerådet vedtek høyringssvaret slik det ligg føre.

PS 81/19 Høyringssvar - NOU 2019: 14 Tvangsavgrensingsloven

Forslag til vedtak

Fylkeseldrerådet vedtek høyringssvaret slik det ligg føre.

Saksprotokoll i fylkeseldrerådet i Hordaland - 07.11.2019

Røysting

Fylkesrådmannen sitt forslag vart samrøystes vedteke.

Vedtak

Fylkeseldrerådet vedtek høyringssvaret slik det ligg føre.

PS 82/19 Evaluering av Haustkonferansen 2019

Forslag til vedtak

Saka vert lagt fram utan tilråding.

Saksprotokoll i fylkeseldrerådet i Hordaland - 07.11.2019

Falao Sparre (LOP) sette fram følgjande forslag:

«Leiar gjer ei tilbakemelding til hotellet basert på diskusjonane i møtet, herunder teleslynge, middagen og presentasjon av denne, utvalet under lunsjen, og lystilhøva.»

Røysting

Falao Sparre sitt forslag vart samrøystes vedteke.

Vedtak

Leiar gjer ei tilbakemelding til hotellet basert på diskusjonane i møtet, herunder teleslynge, middagen og presentasjon av denne, utvalet under lunsjen, og lystilhøva.

PS 83/19 Årsmelding 2019 for fylkeseldrerådet i Hordaland, 2. utkast

Forslag til vedtak

Fylkeseldrerådet vedtek årsmeldinga slik den ligg føre. Arbeidsutvalet får fullmakt til å gjere mindre endringar i ettertid, i form av eventuelle oppdateringar og tilføyingar.

Saksprotokoll i fylkeseldrerådet i Hordaland - 07.11.2019

Falao Sparre (LOP) sette fram følgjande tilleggsforslag:

«Årsmeldinga vert trykt opp i 50 eksemplar.»

Røysting

Fylkesrådmannen sitt forslag vart samrøystes vedteke.
Falao Sparre sitt tilleggsforslag vart samrøystes vedteke

Vedtak

Fylkeseldrerådet vedtek årsmeldinga slik den ligg føre. Arbeidsutvalet får fullmakt til å gjere mindre endringar i ettertid, i form av eventuelle oppdateringar og tilføyingar. Årsmeldinga vert trykt opp i 50 eksemplar.

PS 84/19 Forskingsprosjekt om aldersvennlege omgjevnadar - invitasjon til open dag

Forslag til vedtak

Saka vert lagt fram utan tilråding, men det vert understreka at dette ein god mogleik til å formidle korleis og med kva fylkeseldrerådet arbeider, samt utveksle erfaringar og innspel.

Saksprotokoll i fylkeseldrerådet i Hordaland - 07.11.2019

Falao Sparre (LOP) sette fram følgjande forslag:

«Leiar stiller med orientering, og omlag to til vert med.».

Røysting

Falao Sparre sitt forslag vart samrøystes vedteke.

Vedtak

Leiar stiller med orientering, og omlag to til vert med.

PS 85/19 Invitasjon til innlegg på regional samling for utviklingssentera i vest

Forslag til vedtak

Fylkeseldrerådet, ved leiar, stiller med innlegg på samlinga.

Saksprotokoll i fylkeseldrerådet i Hordaland - 07.11.2019

Falao Sparre (LOP) sette på vegne av fylkeseldrerådet fram følgjande forslag:

«Inger M. Lingjerde stiller dersom ho kan verte fritatt for andre plikter denne dagen. Dersom ho ikkje kan stille er det ingen andre som har høve. Lingjerde gjer tilbakemelding til administrasjonen snarast råd, som melder vidare til arrangør.»

Røysting

Det vart ikkje røysta over fylkesrådmannen sitt forslag.
Falao Sparre sitt forslag vart samrøystes vedteke.

Vedtak

Inger M. Lingjerde stiller dersom ho vert fritatt for andre plikter denne dagen. Dersom ho ikkje kan stille møter ingen frå fylkeseldrerådet. Lingjerde gjer tilbakemelding til administrasjonen snarast råd, som melder vidare til arrangør.»

PS 86/19 Leve heile livet-konferansen i Bergen

Forslag til vedtak

Saka vert lagt fram utan tilråding.

Saksprotokoll i fylkeseldrerådet i Hordaland - 07.11.2019

Falao Sparre (LOP) sette på vegne av fylkeseldrerådet fram følgjande forslag:

«Leiar, nestleiar, Gunvor Riim Opedal, Odd Himle og ev. Inger Sjong stiller på konferansen.»

Røysting

Falao Sparre sitt forslag vart samrøystes vedteke.

Vedtak

Leiar, nestleiar, Gunvor Riim Opedal, Odd Himle og ev. Inger Sjong stiller på konferansen.

PS 87/19 Svar frå Haraldsplass DS om nattransport av eldre frå sjukehus til kommune

Forslag til vedtak

Saka vert lagt fram utan tilråding.

Saksprotokoll i fylkeseldrerådet i Hordaland - 07.11.2019

Falao Sparre (LOP) sette fram følgjande forslag:

«Fylkeseldrerådet tek svaret til orientering».

Røysting

Falao Sparre sitt forslag vart samrøystes vedteke.

Vedtak

Fylkeseldrerådet tek svaret til orientering.

PS 88/19 Høyring om forslag til endringar i forskrift om betaling frå pasientar for poliklinisk helsehjelp i spesialisthelsetenesta

Saksprotokoll i fylkeseldrerådet i Hordaland - 07.11.2019

Fylkeseldrerådet vedtok samrøystes å setje PS 88/19 Høyring om forslag til endringar i forskrift om betaling frå pasientar for poliklinisk helsehjelp i spesialisthelsetenesta på sakslista for møtet utan saksframlegg.

Falao Sparre (LOP) sette på vegne av fylkeseldrerådet fram følgjande forslag:

«Fylkeseldrerådet i Hordaland handsama saka i møte den 7.11.2019 i sak PS.88/19.

Høyringa gjeld forslag til endringar i *forskrift om betaling frå pasientar for poliklinisk helsehjelp i spesialisthelsetenesta. (ISF-ordninga)* Endringane som vert føreslåtte har samanheng med at det i statsbudsjettet for 2020 vert føreslått «endringar i ISF-ordningen som også har implikasjoner for i hvilke tilfeller det er relevant å avkreve pasienten for egenandel.»

Endringane gjeld følgjande område:

- a. Utviding av utførande personell innanfor somatikk (dvs kva for personellgrupper som utløyser eigenandel ved utført behandling frå dei)
- b. Innføring av eigenandel for konsultasjon over telefon
- c. Auking av «straffe»satsen for ikkje å ha møtt til avtale.

Om ISF-ordninga (Innsatsstyrt finansiering)

ISF-ordninga er ei ordning som gjer det lønsamt for helseføretaka å vera effektive når det gjeld å få flest mogleg pasientar gjennom forsvarleg behandling. Ordninga er viktig for økonomien i helseføretaka fordi desse blir finansiert dels ved rammebevilgning frå staten og dels ved inntekt frå den innsatsen det enkelte helseføretaket gjer sjølv, til dømes i poliklinisk behandling.

Utviding av utførande personell innanfor somatikk (dvs kva for personellgrupper som utløyser eigenandel ved utført poliklinisk behandling frå dei)

Framsteg både i medisinsk og teknologisk utvikling dei siste åra, har gjort det mogleg å handsama stadig fleire typer behandling poliklinisk framfor ved innlegging.

Fylkeseldrerådet i Hordaland finn det derfor ikkje urimeleg at det vert føreslått å innlemma nye personellgrupper i kva for utført behandling som skal kunna utløysa krav om eigenandel ved behandling poliklinisk. Fylkeseldrerådet ser på ei slik utviding som rettvis for å skapa likskap mellom pasientgrupper når det gjeld kven som kan verta kravd for eigenandel og kven som slepp.

Det er i høyringsnotatet ikkje fremja forslag om å auka satsen for eigenandel ved poliklinisk behandling. Fylkeseldrerådet oppfattar forslaget om å utvida gruppa av utførande personell som kan krevja eigenandel ved behandling, som eit alternativ til å auka den generelle satsen for eigenandel.

Fylkeseldrerådet er **samd i at dei føreslåtte yrkesgruppene vert innlemma i gruppa som kan utløyse krav om eigenandel ved utført poliklinisk behandling frå dei.**

Innføring av eigenandel ved konsultasjon over telefon

I nokre tilfelle kan det vera aktuelt å snakka med ein behandlar over telefon framfor å måtta møta fram personleg på ein poliklinikk. Dette kan vera ei god og tenleg konsultasjonsform, spesielt for eldre og andre som kan ha vanskar med å møta fram fysisk. Konsultasjon over telefon har til no vore gratis på same måte som at nettkonsultasjon er gratis. I høyringsnotatet vert det føreslått å innføra eigenandel ved konsultasjon over telefon, medan nettkonsultasjon framleis skal vera gratis.

Fylkeseldrerådet i Hordaland går imot innføring av eigenandel ved konsultasjon over telefon.

Auking av «straffe»satsen for ikkje å ha møtt til avtale.

Fylkeseldrerådet i Hordaland er samd i at det skal kosta for pasienten å ikkje varsle innan fastsett tid (24 timar i forkant) om at avtalt time ikkje kan verta nytta. Til no har «straffesatsen» vore det dobbelte av satsen for eigenandelen. I notatet vert det føreslått å auka straffesatsen til tre gonger eigenandelen. Fylkeseldrerådet er samd i synspunktet i høyringsnotatet om at det er sløsing med ressursar når ein time ikkje blir nytta på grunn av manglande varsel, og at unytta timar også går ut over andre pasientar som då, rett nok på kort varsel, ikkje får sjanse til å nytta timen. Det kan synast som at gebyret på dobbel eigenandel, som har vore satsen til no, ikkje har virka godt nok. Likevel bør det vera høve til unnatak for storleiken på straffegebyret eller til heilt å sleppa det.

Høve til unnatak frå hovudregelen om straffegebyr.

I dag er det unnatak for pasientar innanfor rus og psykiatri (jfr forskrifta sin §7, andre ledd).

Fylkeseldrerådet i Hordaland meiner at det også bør vera unnatak for visse grupper eldre. Det er vanleg i dag å få påminning dagen før på SMS eller data om avtalt time. Men ikkje alle eldre har mobil eller data. Mange eldre er glemsk, nokre har lettare kognitiv svikt, eller dei kan ha blitt dårlege i løpet av dei siste 24 timane før avtalen. Fylkeseldrerådet vil også peika på at kjøpekrafta for pensjonistar har gått vesentleg ned dei siste 3 åra, og at det er mange minstepensjonistar. For den siste gruppa vil ein auke med kr. 351- i gebyret for ikkje å ha møtt til time, merkast godt. Fylkeselderådet vil difor foreslå at §7, andre ledd, får ei tilføyning som fangar opp vårt synspunkt om at det for alderspensjonistar i Folketrygda ikkje skal bli auke i gebyret for ikkje å ha møtt til time.

Fylkeseldrerådet i Hordaland er såleis samd i prinsippet om at det skal kosta å ikkje melda frå i tide dersom ein ikkje kan gjera bruk av ein tildelt time, men meiner at gebyret for ikkje å ha møtt til time ikkje må bli auka for alderspensjonistar i Folketrygda.

*Fylkeseldrerådet i Hordaland går derfor inn for at gebyret for ikkje å møta til avtalt time, vert auka generelt til det tredobbelte av satsen for eigenandelen, **men at gebyret ikkje vert auka for alderspensjonistar i Folketrygda.** Fylkeselderådet sitt forslag vil måtta medføra at §7, andre ledd i forskrifta får eit tillegg som fangar opp dette; sjå nedanfor.*

Konklusjon:

I.

§ 4, sjette ledd – konsultasjon over telefon

*Fylkeseldrerådet i Hordaland **går i mot** endring av denne paragrafen, altså å innføra eigenandel for konsultasjon over telefon.*

II.

§ 4, andre ledd- utviding av utførande personell som kan ta eigenandel

Fylkeseldrerådet i Hordaland er samd i

- utviding av utførande personell som kan ta eigenandel innanfor somatikk.

III,

§ 7, første ledd

Fylkeseldrerådet i Hordaland er samd i

- auke av gebyret for manglande frammøte til tre gonger satsen for eigenandel

IV

§7, andre ledd

Fylkeseldrerådet i Hordaland føreslår at §7, andre ledd får denne tilføyninga: «*Om den avtala timen gjeld ein alderspensjonist i Folketrygda, skal noverande sats gjelde.*»

Røysting

Falao Sparre sitt forslag vart samrøystes vedteke.

Vedtak

Forslaget framsett i møtet vert vedtatt slik det ligg føre.

PS 89/19 Den kulturelle spaserstokken 2019 - tildeling

Saksprotokoll i fylkeseldrerådet i Hordaland - 07.11.2019

Fylkeseldrerådet vedtok samrøystes å setje PS 89/19 Den kulturelle spaserstokken 2019 – tildeling på sakslista for møtet utan saksførelegg.

Falao Sparre (LOP) sette fram følgjande forslag:

«AU utarbeider uttale til saken når saken vert offentleggjort 14.11.19. Uttalen vert sendt til resten av rådet for tilbakemelding før ferdig uttale vert vidareformidla til administrasjonen som så ber om ettersending til møtet saken skal handsamast i.»

Røysting

Falao Sparre sitt forslag vart samrøystes vedteke.

Vedtak

AU utarbeider uttale til saken når saken vert offentleggjort 14.11.19. Uttalen vert sendt til resten av rådet for tilbakemelding før ferdig uttale vert vidareformidla til administrasjonen som så ber om ettersending til møtet saken skal handsamast i.»